

Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalackersuisoqarfimmi immikkoortortaqarfimmi pisortaq

**Meeqqanut, Inuusuttunut, Inatsisit Atuutsinneqarnerannut Naligiissitaanermullu
Naalackersuisoqarfik, suliassaqaarfiit assigiinngitsut akornanni suliniutinut
malittarinninnermullu suliassaqaarfiup siuariarnissaanik ineriartornissaanillu
qulakkeerinnissinnaasumik, tunniusimalluartumik immikkoortortaqarfimmi
pisortassarsiorpoq**

Pisortaqatigiinni peqataarusuppit meeqqat, inuusuttut ilaqutariillu atugaat pitsanngorsarniarlugit qulakkeerinninnissamut siuttuusuni? Naalackersuinikkut anguniakkanik qanimut suliaqarnerup kajumilersittarpaatit? Sulianik aqutsinissamut piginnaaneqarluarpit? Suleqatigiinnerlu uummaarilersittarlugu? Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalackersuisoqarfik immikkoortortaqarfimmi pisortassarsiorpoq ataqatigiissaarinermik, sulianik aqutsinermik suleqatigiinnermillu aallussilluarsinnaasumik anguniagalimmillu. Immikkoortortaqarfimmi pisortaq suliassat eqqortumik suliarinissaannik ukkatarinnittoq, meeqqat inuusuttullu pillugit sullissinermi naalackersuinikkut aallartinneqartunik iliuusissatut pilersaarutinik periusissanillu ingerlatsinissamut, ataqatigiissaarinnissamut naammassinninnissamullu nuannarinnittoq.

Naalackersuisoqarfimmi meeqqat inuusuttullu atugaannik pitsanngorsaanissaq qitiutipparput aammalu suliassaqaarfimmi naalackersuinikkut suliallit anguniagaannik piviusunngortitsinissamik qulakkeerinnittussaalluta. Immikkoortortaqarfimmi pisortassarsiorpugut, naalackersuisoqarfimmi pisortaqatigiit sulisullu peqatigalugit siuarsaanissamik kiisalu suliassaqaarfimmik pingaarutilerujussuarmik kivitsinissamut ukkatarinnittumik.

Immikkoortortaqarfimmi pisortatut atorfik aaqqissuusaanikkut Suliassaqaarfiit Assigiinngitsut Akornanni Suliniutinut Malittarinninnermullu Immikkoortortaqarfimmi inissisimavoq, tassani suliassat ilaatigut tassaapput periusissiukkamik anguniakkat tigussaasumik iliuuseqarfigalugit, suliassaqaarfimmi periusissiat iliuusissatullu pilersaarutit ineriartortillugit atuutsilersinneqarnissaannullu pilersaaruserlugit, kiisalu naalackersuinikkut kiffartuussilluni.

Taakku saniatigut Suliassaqaarfiit Assigiinngitsut Akornanni Suliniutinut Malittarinninnermullu Immikkoortortaqarfimmi, immikkoortortaq ataani inissisimasoq, Isumaginninnermut Aqutsisoqarfik qanimut suleqatigalugu meeqqanut inuusuttunullu isumaginninnikkut suliniutit inerisarlugillu atuutsilersinnissaannik suliaqartarput – assersuutigalugu imminut toquttarnermut pitsaaliuineq, ilaqutariinnut siusinaartumik ujartuisumillu suliniuteqarneq, angerlarsimaffiup avataanut inissiiinginnissamut suliniutit kiisalu eqqarsartaatsikkut peqqissuuneq.

Aammattaaq suliassaqaarfimmi inatsisiliorneq immikkoortortaqarfimmi akisussaaffigaa, tassani suliatigut pitsaassutsip qaffasissup qulakkeernissaanut, piffissamik eqquinissamut aamma inatsisilerinikkut tunniunneqartut tamaasa naalackersuinikkut

paasineqarnissaannut tunngatillugu immikkoortortaqarfimmi pisortaq qitiusumik atuuffeqarpoq.

Atorfik pillugu

Ulluinnarni sulinermi sulisunut qulingiluanut tunniusimalluartunut anguniaqarluartunullu aqutsisutut akisussaassaait, naalakkersuisoqarfimmilu qanimut suleqatigissallugit.

Immikkoortortaqarfimmi pisortatut suliassat ilaatigut tassaapput:

- Sulianik aqutsineq, periusissianik suliaqarnermi pitsaassusaannik siuariartornerannillu qulakkeerinninneq kiisalu naalakkersuisunit aallartinneqartunik sulianik allanik isumaginninneq
- Immikkoortortaqarfimmi sulisunik aqutsisuuneq
- Immikkoortortaqarfiup suliassaanik agguataarinninneq aamma pingaarnersiuneq
- Immikkoortortaqarfimmi sulisunut sulinermi siunersiuneq
- Suliffeqarfimmi aqutsinissamut sakkunik ineriartortitseqataanermut ingerlatsinermullu qulakkeerinninneq

Atorfimmi suliassanut attuumassuteqartunik arlalinnik allaffissornikkut aningaasaqarnermullu tunngasunik suliassaqartassaaq.

Immikkoortortaqarfimmi pisortap makku piginnaaneqarfigissagai naatsorsuutigaarput:

- Naleqquttumik kandidatitut qaffasissusilimmik ilinniagaqarsimasoq
- Isumaginninnermut atatillugu Kalaallit Nunaanni meeqqanut inuusuttunullu suliassaqarfik pillugu siammasissumik ilisimasalik
- Aqutsinermik matumani suliniutinik aqutsinermik misilittagalik
- Suliassanut ajornakusoortunut amerlaqisunullu tamakkiisumik isiginnissinnaasoq
- Oqaloqatigiissitsinermut suleqatigiinnermullu aqqutissiullaqqissoq - suliffeqarfiup iluani avataanilu
- Allattariarsornikkut oqaatsitigullu atassuteqallaqqittoq
- Namminersortoq iliuuseqarluarsinnaasorlu
- Inuttut ammasuusoq, akuersaartoq tatiginninnermillu tunngavilimmik atassuteqarnermik pilersitsisinnaasoq
- Suliffeqarfimmik politikikkut aqunneqartumik misilittagaqarluartoq
- Naalakkersuinikkut siunnersuinissamik piareeqqasoq
- Inuiaqatigiinnut kalaallinut kulturiannullu ilisimasaqarluartoq
- Isumaginninnermut tunngasunik suliassanik pisariusunik paasinnillaqqissoq, aaqqiissuteqarsinnaasoq tamannalu pillugu pisariitsumik paasititsillaqqissoq

Meeqqanut, Inuusuttunut, Inatsisit Atuutsinneqarnerannut Naligiissitaanermullu

Naalakkersuisoqarfik pillugu

Meeqqanut, Inuusuttunut Ilaqutariinnullu Naalakkersuisoqarfimmi sulisut 24-t

missaanniippugut immikkoortunut pingasunut avissimasut. Aqutsisunut Allattoqarfik,

Suliassaqarfiit Assigiinngitsut Akornanni Suliniutinut Malittarinninnermullu

Immikkoortortaqarfik, Inatsisit Atuutsinneqarnerannut Naligiissitaanermullu

Immikkoortortaqarfik. Naalakkersuisoqarfik taakku saniatigut immikkoortoqarpoq,

Isumaginninnermut Aqutsisoqarfik kiisalu arlaannaannulluunniit attuumassuteqanngitsoq,

pisinnaatitaaffinnik suliaqarfiusoq MIO.

Akissarsiat aamma atorfeqarnermi atugassarititaasut

Atorfik akissaateqarfimmi LR 38-mi maanna inissisimavoq. 1. april 2026 LR 38-mi

tunngaviusumik akissarsiaq tapiillu aalajangersimasut soraarnerusutissianullu

illuartittagaq ilanngullu antterussuseqarput qaamammut Kr. 64.048 ukiumullu Kr. 768.576.

Piffissap suliffiusussap sivilissusissaa aallaavittut sapaatip akunneranut nalunaaquttap akunnerinik 40-nik sivilissuseqarpoq. Atorfimmut atuuttoq tassaavoq, piffissap suliffiusussap qanoq sivilutiginnissaa killilersugaanngimmat, aammalu qaangiuttoornermi ajunngitsorsiassat akilernerqarnissaat ullullu sulinngiffissat annaaneqartut ajunngitsorsiassarsissutiginnissaat atornerqarsinnaanngillat.

Akissarsianut atorfeqartitaanermullu atugassarititaasut, taakkununga ilanngullugit atorfinikkiartorluni soraarlunilu angalanermut aamma pequtit nassiunneqarnerinut akiliunneqarsinnaaneq, Namminersorlutik Oqartussat aamma pineqartup kattuffiata isumaqatigiinniarsinnaatitaasup akornanni isumaqatigiissutit piffissami atorfiniffiusumi atuuttut naapertorlugit pissapput.

Inissaqarneq

Atorfimmut atatillugu sulisutut ineqarnissamut innersuussinertaqanngilaq. Qinnuteqartoq Namminersorlutik Oqartussani atorfeqarnini aqutagalugu sulisutut ineqareeruni, sulisutut inissiamik innersuussivigineqarnissamut pisinnaatitaaffik attatiinnaqassaaq. Sulisutut inigisaq atorfeqarnermut tunngasuuvoq, atorfeqarunnaarnermilu qimanneqartussaassalluni.

Qinnuteqaat

Qinnuteqarnissamut ulloq killigititaq tassaavoq 8. septembari 2026.

Ulloq sulilerfissaq 1. novemberi 2026 imaluunniit isumaqatigiissuteqarnikkut. Oqaloqatigiinnissat piffissap ingerlanerani ingerlanneqarnissaat naatsorsuutigineqarpoq.

Paasissutissat annertunerusut

Atorfik pillugu paasisaqarnerujumaguit, naalakkersuisoqarfimmi pisortamut Helena Lynge Møllerimut attaveqarnissamut tikilluaqqusaavutit, uunga helm@nanoq.gl imaluunniit oqarasuaammut +299 56 31 80.